

Evening Dogri (NSD) Bulletin 28-12-2024

आकाशवाणी

खबरां ----

- 1 साबका प्रधानमंत्री डॉ. मनमोहन सिंह हुंदा अज्ज पूरे राजकीय सम्मान कन्नै नमीं दिल्ली दे निगम बोध घाट पर अंतिम संस्कार करी दित्ता गेआ।
- 2 केंद्री गृह मंत्रालय नै आखेआ ऐ जे सरकार साबका प्रधानमंत्री डॉ. मनमोहन सिंह स्मारक आस्तै थाहर उपलब्ध करोआग।
- 3 केंद्री मंत्री प्रहलाद जोशी होरें केंद्री उपभोक्ता संरक्षण प्राधिकरण गी निर्देश दित्ते न जे ओहू टैक्सी ठेकेदारें आसेआ किराए दे बक्ख-बक्ख कीमतां दस्सने सरबन्धी आरोपें दी जांच करै।
- 4 केंद्री अंतरिक्ष राज्यमंत्री डॉ. जतिंद्र सिंह होरें आखेआ ऐ जे इसरो 30 दिसंबर गी स्पेडेक्स मिशन गी प्रक्षेपित करोग।
- 5 विदेश मंत्री एस. जयशंकर होरें अमरीका दे अगले सुरक्षा सलाहकार माईकल वाल्टस हुंदे कन्नै मलाटी करी दपक्खिय ते वैश्विक मुद्दें पर चर्चा कीती।
- 6 प्रधानमंत्री नरेंद्र मोदी होर कल बडुलै 11 बजे आकाशवाणी दे कार्यक्रम “मन की बात” राहें अपने विचार सांझे करडन।

<><><><><><>

Manmohan Last Rites

साबका प्रधानमंत्री डॉ. मनमोहन सिंह हुंदा अज्ज नमीं दिल्ली दे निगम बौध घाट पर पूरे राजकीय सम्मान कन्नै खीरी संस्कार कीता गेआ। राष्ट्रपति द्रौपदी मुर्मू, उपराष्ट्रपति जगदीप धनखड़, प्रधानमंत्री नरेंद्र मोदी ते होरनें केइ मन्न-परमन्ने दे नेताएं जिंदे च केंद्री मंत्री राजनाथ सिंह, अमित शाह, कांग्रेस नेता मल्लिकार्जुन खड़गे, सोनिया गांधी ते राहुल गांधी होरें उनेंगी श्रद्धांजलि भेंट कीती। एहदे अलावा सेना, वायु सेना ते नौसेना दे प्रमुखें बी उनेंगी श्रद्धांजलि भेंट कीती। केई सारी विदेशी हस्तिएं जियां भूटान नरेश जिगमे खेसर नामग्याल वांगचुक ते मारीशस दे विदेश मंत्री होरें बी डॉ. मनमोहन सिंह होरें गी श्रद्धांजलि भेंट कीती। डॉ. मनमोहन सिंह हुंदा कल काल होई गेआ हा। ओह 92 बरें दे हे।

<><><><><><>

HM-Manmohan

केंद्री गृह मंत्रालय नै आखेआ ऐ जे सरकार साबका प्रधानमंत्री डॉ. मनमोहन सिंह हुंदे स्मारक आस्तै थाहर उपलब्ध कराग। मंत्रालय नै इक बयानै च आखेआ ऐ जे सरकार गी इस सरबंधै च कांग्रेस अध्यक्ष मल्लिकार्जुन खड़गे हुंदे थ्वां अनुरोध हासिल होआ। मंत्रालय नै आखेआ ऐ जे केंद्री मंत्रीमंडल दी बैठक दे फौरन मगरा गृह मंत्री अमित शाह होरें खड़गे ते डॉ. मनमोहन सिंह हुंदे परोआर गी दस्सेआ जे सरकार स्मारक आस्तै थाहर आवंटित करोग।

<><><><><><>

Prahlad Joshi

केंद्री खाद्य, उपभोक्ता ते सार्वजनिक बंड मैहकमे दे मंत्री प्रह्लाद जोशी होरें केंद्री उपभोक्ता संरक्षण प्राधिकरण गी निर्देश दित्ते न जे ओहू टैक्सी ठेकेदारें आसेआ किराए दियां बक्खरियां-बक्खरियां कीमतां वसूलने सरबंधी आरोपें दी जांच करने गी आखेआ ऐ। ओहू कथित तौर पर एंड्रोइड ते एप्पल डिवाइसें पर इक गै सवारी थमां बक्खरा-बक्खरा कराया वसूला करदे न। इक सोशल मीडिया पोस्ट च श्री जोशी होरें आखेआ जे केंद्री उपभोक्ता संरक्षण प्राधिकरण गी निर्देश दित्ते गेन जे आहू इस मामले च चंगी चाल्ली जांच करै ते रिपोर्ट गी तौलें जमा करा। श्री जोशी होरें विभाग गी आखेआ ऐ जे ओहू खाद्य सामग्री दी उपलब्धता सरबंधी ऐपें ते आमलाइन विकट बुकिंग ऐपें जनेहें सैक्टरें दी बी जांच करै। उनें आखेआ जे सरकार नै उपभोक्ता दे शोषण गी भलेआं नेई बर्दाश्त करने दी नीति अपनाई दी ऐ।



Indian-Army Contingent

भारतीय सेना दे 334 सैन्य कर्मिं दा दल बटालियन सतह दे सांझे सैन्य अभ्यास सूर्य किरण दे 18में संस्करण च हिस्सा लैने आस्तै अज्ज रवाना होआ। एहू अभ्यास इस म्हीने दी 31 तरीक थमां अगले म्हीने दी 13 तरीक तगर नेपाल दे सल्लझंडी च होग। रक्षा मंत्रालय नै इक बयान च आखेआ ऐ जे इस अभ्यास दा उद्देश्य जंगलै च युद्ध, प्हाड़ें च आतंकवाद विरोधी अभियानें ते संयुक्त राष्ट्र चार्टर तैहत मनुक्ख मदाद ते आपदा राहत च आपूं'चै दी क्षमता गी बढ़ाना ऐ।

मंत्रालय नै आखेआ ऐ जे एहू अभ्यास भारत ते नेपाल बश्कार मित्री, भरोसे ते सांझे सांस्कृतिक सरबंधें दे मजबूत बंधन गी दर्शादा ऐ।

<><><><><><>

ISRO

भारतीय अंतरिक्ष अनुसंधान संगठन-इसरो नै सोमवार गी प्रक्षेपित कीते जाने आहले अपने स्पेस डोकिंग एक्सपेरिमेंट-स्पेडेक्स मिशन आस्तै सारियां त्यारियां पूरियां करी लैतियां ना। अंतरिक्ष राज्य मंत्री डॉ. जितेन्द्र सिंह होरें इक इन्टरव्यू दौरान आखेआ जे बरे दे अखीरें च छोडे जाने आहला इसरो दा एहू मिशन ऐतिहासिक ऐ, कि जे इसदे च अंतरिक्ष च दो उपग्रहें गी जोडेआ जाग। डॉ. सिंह होरें आखेआ जे स्पेडेक्स मिशन कन्नै भारत अंतरिक्ष च उपग्रह दी डोकिंग करने आले चुनिंदा देशें च शामिल होई जाग। उने आखेआ जे पीएसएलवी रॉकेट सोयां दो उपग्रहें गी को छोडेआ जाग।

<><><><><><>

Jaishanakr

विदेश मंत्री डॉ. एस जयशंकर होरें अमरीका दी अपनी अधिकारिक जात्तरा दौरान अमरीकी प्रतिनिधि ते अगले राष्ट्रीय सुरक्षा सलाहकार माइकल वाल्टस हुंदे कन्नै मलाटी कीती ऐ। सोशल मीडिया पर पोस्ट च डॉ. जयशंकर होरें आखेआ जे मलाटी दौरान दौनें धड़ें दपक्खी सांझेदारी दे कन्नै-कन्नै मौजूदा वैश्विक मुद्दें पर बी व्यापक चर्चा कीती। उनें उंदे कन्नै कम्म करने दी मेद बी दस्सी।



Pak-Afghanistan-Clashes

पाकिस्तान ते अफगानिस्तान बश्कार होई दी बार्डर पर इक झड्पफ च पाकिस्तान दे 19 ते अफगानिस्तान दे 3 आम नागरिकें दी मौत होई गेई ऐ। दौनें मुल्खें बश्कार एहू झड्पफां पूर्वी अफगानिस्तान दे खोस्त ते पकटिका सूबे जडे पाकिस्तान दे बन्ने कन्नै लगदे न, उत्थे होआ'रदी ऐ। अफगानिस्तान दे बन्ने पर तैनात सुरक्षाबलें पाकिस्तान दी मती सारी फौजी पोस्टें गी अली शिर जिले दे खोस्त सूबे च अग्गी दे हवाले करी दित्ता ऐ। एहू झड्पफां उस बेल्ले शुरू होइयां जिसलै पाकिस्तानी फौज नै पकटिका सूबे च मंगलवार गी हवाई हमले करियै 51 अफगान नागरिकें गी मारी दित्ता हा।



Naksali

27 साल दे इक्क कट्टर नक्सली देवा सुमादो मुदाम नै महाराष्ट्र दे गोंदिया जिले च पुलिस दे सामने आत्मसमर्पण करी दित्ता ऐ। औहदे पर 7 लक्ख रपे दा ईनाम हा। छत्तीसगढ दे बीजापुर जिले दा निवासी देवा छोटी उम्र च गै नक्सली गतिविधियें च गै शामिल हा। गोंदिया जिला पुलिस दी अपील दे बाद ते नक्सली गुटें दी गतिविधियें शा निराश होइयै उन्नै जिला कलेक्टर प्रजीत नायर ते पुलिस अधिकारियें सामने आत्मसमर्पण करी दित्ता।



National Women Commission

राश्ट्रीय महिला आयोग दी अध्यक्ष विजया रहाटकर होरें चेन्नई दे अन्ना विश्वविद्यालय च कथित यौन उत्पीड़न दी घटना दी जांच आस्तै इक्क समिति दा गठन कीता ऐ। आयोग नै इक बयान च दस्सेआ ऐ जे दो सदस्यीय एहू समिति इस घटना दी परिस्थितियों दी जांच करोग ते अधिकारिएं आसेआ कीती गेदी कार्रवाई दा बी आंकलन करोग। समिति तथ्यें दा पता लाने आस्तै सरबंधत अधिकारिएं, पीड़ितता, औहदे परिवार, मित्रें ते बक्ख-बक्ख गैर सरकारी संगठनें कन्नै गल्लबात करोग ते नेई घटनाएं गी रोकने दे उपाएं पर सुझाऽ देग। समिति च राश्ट्रीय महिला आयोग दी सदस्य ममता कुमारी ते महाराश्ट्र दी साबका पुलिस महानिदेशक प्रवीण दीक्षित शामिल न।

<><><><><><>

Scindia

संचार मंत्री ज्योतिरादित्य सिंधिया होरें कल नमीं दिल्ली च खजाना मंत्री निर्मला सीतारमण हुंदे कन्नै मलाटी कीती। मीटिंग दे दौरान उनें भारतीय डाक गी इक लाहू कमाने आहली लाजिस्टिक कंपनी बनाने आस्ते मंत्रालय दी पूंजी सरबंधी मंगें गी प्रस्तुत कीता। नमीं विकास योजना प्रस्तुत करदे होई श्री सिंधिया होरें आखेआ जे विभाग मती थमां मती प्रक्रिया गी डिजिटल करने दे लक्ष्य गी लेइयै चलाऽ दा। श्री सिंधिया होरें आखेआ जे पूरे देश च ढांचागत विकास डाकघरें ते मुलाजमें आस्तै हाउसिंग क्वार्टरें दी मरम्मत बक्खी ध्यान दित्ता जाहग। उनें एहू बी आखेआ जे विभाग प्रक्रियाएं दे स्वचालन दी दिशा च कम्म करा'रदा ऐ तां जे इसी सशक्त ते भविक्ख आस्तै तैयार कीता जा। मंत्री होरें

दस्सेआ जे भारतीय डाक च अगले पंजें बरें च अपने ज्यादातर उत्पादें आस्तै बजार दी हिस्सेदारी बधाने, राजस्व बधाने ते उद्योग च मुकाबलेबाजी करने दी क्षमता ऐ।

<><><><><><>

Asian-Film Festival

21मां थर्ड आई एशियाई फिल्म महोत्सव अगले बरे 10 थमां 16 जनवरी तगर मुम्बई ते ठाणे च होग। महोत्सव आस्तै चुनी गेदियां कुल 61 फिल्मां, अंधरी, सियान ते ठाणे दे मूवीमैक्स सिनेमाघरें च दस्सियां जाडन। महोत्सव दी शुरूआत चीनी फिल्म द ब्लैक डॉक कन्नै होग। जिनै काम फिल्म महोत्सव च 'अनसर्टेन रिगार्ड सैक्शन च सर्वश्रेष्ठ फिल्म दा पुरस्कार जित्तेआ। इस बरे महोत्सव च प्रसिद्ध पटकथा लेखक ते गीतकार जावेद अख्तर होरें गी एशियन फिल्म कच्चर अवार्ड कन्नै सम्मानित कीता। तोआई, पत्रकार रफीक बगदादी होरें गी सत्यजीत रे मेमोरियल अवार्ड कन्नै सम्मानित कीता जाग।

<><><><><><>

PM-Mann Ki Baat

प्रधानमंत्री नरेन्द्र मोदी अपनेमाहवार रेडियो कार्यक्रम "मन की बात" दे राएं कल देश-विदेश च रौहने आहले श्रोताएं कन्नै बचार सांझे करडन। हर म्हीने देअखीरले ऐतवारें दिनै 11 बजे प्रसारत होने आले इस कार्यक्रम दी एहू 117मीं किशतहोग। मन की बात दा प्रसारण आकाशवाणी ते दूरदर्शन दे समूलचे नेटवर्क पर

कीताजाह्ग। एह्दे इलावा एह् प्रसारण आकाशवाणी खबरें दी वैबसाइट ते न्यूज़ ऑनए.आई.आर मोबाइल ऐप पर बी उपलब्ध होग। एह्दे कन्नो कन्नी आकाशवाणी समाचार, डी.डी न्यूज़, प्रधानमंत्री हुंदे दफ्तर ते सूचना ते प्रसारण मंत्रालय दे यूट्यूब चैनलें परबी एह्दी लाइव स्ट्रीमिंग उपलब्ध होग। आकाशवाणी परा मन की बात दे प्रसारण दे तुरतमगरा मकामी भाशाएं च एह्दा अनुवाद बी प्रसारण कीता जाह्ग।

<><><><><><>

Health-Minister GMC

सेहत ते शिक्षा मंत्री सकीना इत्तू होरें सरकारी मेडिकल कॉलेज बख्शीनगर जम्मू दा चानचक्क दौरा लाया। दौरे दौरान मंत्री होरें अस्पताल च सुविधाएं दा जायजा लैता ते अमले ते मरीजें कन्नै गल्लबात कीती। उनें सेवाएं दी बेहतर ढंगै सिर पुज्ज ते आम लोकें दे मसलें दा फौरी हल करने दी सरकार दी बचनबद्धता गी जाहिर कीता। मंत्री हुंदा एह् दौरा लोकें तगर सेवाएं दी पुज्ज, जवाबदेई ते पारदर्शिता गी बढ़ावा देने आहली भेठा सरकार दी बचनबद्धता गी दर्शादा ऐ।

<><><><><><>

Snowfall-Winter Festival

जम्मू खित्ते दी मती सारी थाहरें डोडा, उधमपुर, किशतवाड़ च इस मौसम दी पैहली बर्फबारी होई ऐ। एह्दे कन्नै मकामी लोक ते इत्थे आए दे सैलानी खुश ना। बर्फबारी करी उच्चिण धारें पर पहाड़ चिट्टे होई गए ना। एह्दे अलावा पतनीटाँप,

नत्थाटॉप, सनासर, देसा, मरमत, पदरी ते चौगाम मैदान च बी बर्फबारी होई ऐ।

सालाना भद्रवाह विंटर फेस्टिवल कल्लै थ्वां शुरु होआ रदा ऐ। अधिकारिएं दा मनना ऐ जे ताजा बर्फबारी करी इस उत्सव दा आकर्षण होर बदी जाग ते खरी मती गिनतरी च लोक इत्थे औडन।

<><><><><><>

Ladakh-Snow

लद्दाख दे करगिल च भारी बर्फबारी करी करगिल गी श्रीनगर कन्नै जोडने ते कारगिल गी जंस्कार कन्नै जोडने आहली राश्ट्रीय जरनैली शिडक 301 दे बंद होने करी यातायात प्रभावित होआ ऐ। कारगिल दे उपायुक्त श्रीकांत सुसे होरें भरोसा दोआया ऐ जे सब्बे प्रमुख मार्गे गी यातायात आस्तै तौलें खोली दित्ता जाग। स्थिति पर नजर रखने ते जनसामान्य दी समस्याएं दे समाधान आस्तै दिन-रातीं कम्म करने आहला इक्क नियंत्रण कक्ष बनाया गेआ ऐ। जिले च खाद्य, ईंधन, ते दवा जनेइयां जरूरी चीजें दा पर्याप्त भंडार ऐ।

<><><><><><>

Highway

जम्मू-श्रीनगर राश्ट्रीय जरनैली शिडक गड्डिउएं दी आओजाई लेई बंद ऐ। एह शिडक केई सारी थाहरें पर होई दी बर्फबारी करी बंद ऐ। ट्रैफिक मैहकमे नै जानकारी दिती ऐ जे शिडक गी साफ करने दा कम्म जारी ऐ। अमले ते मशीनें

गी कम्मै पर लाया गेदा ऐ। लोकें गी सलाह दिती गई ऐ जे ओह मौसम साफ होने तगर इस रस्ते पर यात्रा करने थवां बचन। तोआई, ऐतिहासिक मुगल शिड़क जेड़ी शेपिया जिले गी राजौरी ते पुंछ कन्नै जोड़दी ऐ, ओह बी गड्डिउएं दी आवाजाई लेई बंद ऐ। अनंतनाग ते किशतवाड़ बशकार सिंथन पास बी बंद ऐ। प्रशासन आसेआ सारे बंद रस्ते गी खोलने लेई कम्म जारी ऐ। लोकें गी सलाह दिती गई ऐ जे ओह शिड़क सरबंधी प्रशासन थवां शिड़क दी स्थिति दा पता लाने मगरा गै यात्रा करना।

<><><><><><>

Cricket

क्रिकेट च मेलबार्न च खेड्डे जा करदे बार्डर गवास्कर ट्रॉफी दे चौथे टैस्ट मैच दे त्रीये ध्याड़े भारत नै पैहली पारी च 9 विकेटें दे नुकसान उप्पर 358 रन्ज बनाई लेदे ना। भारत अजें बी आस्ट्रेलिया आसेआ पैहली पारी च बनाए गेदे 474 रन्जें च 116 रन पिच्छे ऐ। भारतीय बल्लेबाज नीतिश कुमार रेड्डी नै टैस्ट मैच च अपना पैहला शतक बनाया। अज्ज दे खेड्डे मुक्कने तगर नीतिश 4105 ते मोहम्मद सिराज द'ऊं रन्ज बनाइये नाटआउट हे।

<><><><><><>